

Qhia Kom Paub Ua Tsab Ntawv Thov Kev Pab Nyiaj Txiag rau Kev Kawm Ntawv Thaum Ntxov – Pathway I

Kev Pab Nyiaj Txiag rau Kev Kawm Ntawv Thaum Ntxov Yog Dab Tsi?

Kev Pab Nyiaj Txiag rau Kev Kawm Ntawv Thaum Ntxov – Pathway I yeej pab nyiaj txiag rau koj them tau neeg zov menyuam kom zoo thiab muaj kev kawm ntawv thaum ntxov kom pab koj tus menyuam kom npaj tau nws mus kawm hoob Kindergarten. Cov nyiaj txiag pab them nqi ntawv ntawm no yuav them ncaj qha mus rau cov tsev zov menyuam los yog cov tsev qhia ntawv es muaj kev ntsuam xyuas ntawm cov niam txiv hu ua Parent Aware rated es koj xaiv. Qhov kev ntsuam xyuas los ntawm cov niam txiv Parent Aware yog ib qho pab kom koj paub nrhiav lub tsev zov menyuam kom zoo los yog nrhiav lub tsev kawm ntawv kom zoo. Yog xav paub ntau tshaj no, mus saib hauv lub chaw [Parent Aware website](http://ParentAware.org), (ParentAware.org).

Kuv tus menyuam siv tau cov nyiaj txiag pab no rau qhov chaw twg?

Koj kuj siv tau cov Nyiaj Txiag Pab rau Kev Kawm Ntawv Thaum Ntxov – Pathway I no ntawm txhua lub tsev zov menyuam los yog tsev kawm ntawv es muaj kev ntsuam xyuas los ntawm niam txiv hu ua Parent Aware rated uas nyob hauv lub xeev Minnesota es koj tus menyuam yeej mus kawm ntawv tas mus li.

Koj tus menyuam tsis tas yuav kom nws twb cuv npe kawm ntawv los yog twb mus kawm ntawv rau ib lub tsev kawm ntawv lawm thaum lub sij hawm koj ua daim ntawv thov nyiaj pab rau kev kawm ntawv thaum ntxov. Yog hais tias koj xav tau kev pab los tshawb nrhiav cov tsev kawm ntawv es tsim nyog cov nyiaj pab koj no them rau, thov tiv tauj tus neeg tswj cov nyiaj txiag pab es nyob ib cheeb tsam ntawm koj los yog tiv tauj cov niam txiv Parent Aware ntawm 888-291-9811 los yog mus saib [Parent Aware website](http://ParentAware.org) (ParentAware.org). Yog hais tias koj tus menyuam twb mus kawm ntawv ntawm ib lub tsev kawm ntawv lawm, tab sis koj xav xyuas seb koj puas muaj lwm txoj kev xaiv, qhov no los lawv yeej pab tau koj tim yam nkaus.

Kev pab nyiaj txiag seb yuav pab tau koj npaum li cas kuj nyob ntawm seb lub tsev kawm ntawv koj xaiv ntawd nraug ntsuas los ntawm cov niam txiv Parent Aware rating seb qhia tau zoo npaum li cas.

Kev Ntsuas Ntawm Parent Aware	Qhov Nyiaj Txiag Pab Rau Kawm Ntawv
Kev Ntsuas Ntawm Parent Aware Muaj Plaub- Lub Hnub Qub	Pab txog \$7,500 ntawm ib tug menyuam twg
Kev Ntsuas Ntawm Parent Aware Muaj Peb- Lub Hnub Qub	Pab txog \$5,000 ntawm ib tug menyuam twg
Kev Ntsuas Ntawm Parent Aware Muaj Ib- los sis Ob- Lub Hnub Qub*	Pab txog \$4,000 ntawm ib tug menyuam twg
Koom txoj Kev Ntsuas Tag Nrho rau ib pab Parent Aware Cohort*	Pab txog \$3,000 ntawm ib tug menyuam twg

Kuv tus menyuam puas yuav tsim nyog tau cov nyiaj los pab?

Tau txais cov Nyiaj Txiag Pab rau Kev Kawm Ntawv Thaum Ntxov yeej muaj pab rau cov menyuam es nws muaj hnuv nyoo 3 los yog 4 xyoo thaum lub Cuaj Hlis Ntuj Hnuv tim 1, 2018, thiab tseem tsis tau cuv npe mus kawm hoob Kindergarten.

Daim ntawv qhia hauv qab no koj yeej siv tau los soj ntsuam seb koj tus menyuam puas yuav tsim nyog tau kev pab Nyiaj Txiag Pab rau Kev Kawm Ntawv Thaum Ntxov, uas yog siv nws lub hnuv yug.

Tus Menyuaam Hnuv Yug Hnuv no txog hnuv no	Lub Hnuv Nyoo Tsim Nyog thau Lub Cuaj Hlis Tim 1, 2018	Tus menyuaam no puas yuav tsim nyob tau txais nyiaj txiag pab pib thaum lub Cuaj Hlis 1, 2018	Tus menyuaam no puas tseem tsim nyob tau txais kev pab nyiaj txiag pib thaum lub Cuaj Hlis 1, 2019
Cuaj Hlis 1, 2013 – Yim Hlis 31, 2014	4	Tau	TSIS TAU, Hnuv nyoo tshaj lawm
Cuaj Hlis 1, 2014 – Yim Hlis 31, 2015	3	tau	tau
Cuaj Hlis 1, 2015 – Yim Hlis 31, 2016	2	TSIS TAU, hnuv nyoo qis lawm: yuav tsum nyob rau qhov es raug xaiv ua ntej	tau

Cov menyuaam es yug tawm plaws mus txog 5 xyoo yeej tsim nyog tau kev pab yog hais tias lawv poob rau ib qhov los yog ntau qhov li cov nqi lus hauv qab no:

- Ib tus niam txiv ntawm tus menyuaam lub hnuv nyoo qis tshaj 21 xyoo thiab tseem tab tom kawm ntawv qib high school los yog kawm (GED) kom nws tau daim div plaus mas (diploma). Koj yuav tsum muaj ib daim ntawv pov thawj es muaj lub thwj ntaus los yog official letterhead sau los ntawm lub tsev kawm ntawv tias koj yeej tseem tab tom kawm; los yog
- Tus menyuaam raug saib xyuas thiab tu los ntawm tus niam qhuav txiv qhuav los yog yuav tsuv muaj kev tiv thaiv rau tus menyuaam los yog child protective services; los yog
- Lub tsev neeg tau ntsib tej yam xws li tsis muaj tsev nyob 24 lub hlis nram ntej; los yog
- Tus menyuaam muaj ib tug nus muag es twb tau txais cov nyiaj pab them nqi kawm ntawv lawm thiab kuj kawm ntawv tib qho chaw, yeej tau txais kev pab tsuav yog tias tseem tshuav cov nyiaj los pab them.

Qhia kom paub: Tsev neeg cov nyiaj khwv tau los yuav tsum kom nyob raws li qhov es tsim nyog tau txais kev pab tom qab es tau muaj ib qho li tau hais tag sab saum toj no.

Yuav Tsum Tau Muaj Cov No Ntxiv Thiab

Tsuas yog ib tug niam txiv los yog ib tug neeg saib xyuas tus menyuaam/cov menyuaam thiaj li pub ua ntaub ntawv thov Nyiaj Txiag Pab rau Kev Kawm Ntawv Thaum Ntxov – Pathway I, thiab koj tsev neeg yuav tsum tau muaj raws li nram qab no thiaj li tsim nyog tau txais kev pab.

Chaw Nyob –Koj yuav tsum muaj lub chaw nyob hauv lub xeev Minnesota (nyob hauv lub xeev Minnesota).

Nyiaj Khwv tau –Cov nyiaj es koj tsev neeg khwv tau yuav tsum sib npaug los yog tsawg tshaj 185 feem pua ntawm kev txom nyem ua tsoom fwv tau teev tseg los yog federal poverty level los yog koj tsev neeg tau txais tej yam kev pab los ntawm tsoom fwv es tej kev pab no yeej tau pom zoo los ntawm lub xeev los yog lub teb chaws tej kev los yog program pab rau cov neeg txom nyem.

Daim ntawv chart hauv qab no yog raws li xyoo FY2018 kev txom nyem los yog poverty guidelines uas tau luam tawm cuv cia rau Tsoom Fwv los yog Federal Register thaum lub lb Hlis 12, 2018.

Tsev neeg coob npaum cas	Nyiaj Khwv tau ua ntej txiav se	Tsev neeg coob npaum cas	Nyiaj Khwv tau ua ntej txiav se
2	\$30,451	6	\$62,419
3	\$38,443	7	\$70,411
4	\$46,435	8	\$78,403
5	\$54,427	9	\$86,395

Rau ib tsev neeg es muaj ntau tshaj cuaj leeg, ntxiv **\$7,992** rau ib leeg twg ntxiv.

Kuv Yuav Thov Kev Pab Nyiaj Txiag rau Kev Kawm Ntawv Thaum Ntxov Li Cas?

Yog yuav thov Kev Pab Nyiaj Txiag rau Kev Kawm Ntawv Thaum Ntxov – Pathway I, tus neeg muaj cai los saib xyuas tus menyuam yuav tsum tau ua raws nraim li cov kauj ruam nram qab no:

- Ua daim ntawv thov kom tiav lug. Cov kab lus teb es yuav tsum tau teb yog muaj ib lub cab mev los yog asterisk nyob ntawm hauv ntej.
- Yuav tsum muaj pov thawj xws li nyiaj khwv tau es koj sau qhia nyob rau ntawm qhov chaw teev txog nyiaj txiag khwv tau ntawm qhov kev xaiv option 1 los yog kev xaiv option 2 (tw tshev/qhia kom paub txog MFIP, lwm yam).
- Nyeem thiab kos npe rau nploog ntawv Pom Zoo tias Yuav Ua Raws Nraim li Tej Yam es Yuav Tsum Tau Ua thiab Pom Zoo Pub Siv Koj Cov Ntaub Ntawv Koj Sau Qhia Txog Koj.
- Xa koj daim ntawv thov kev pab tuaj.

Xa Koj Daim Ntawv Thov Kev Pab

Xa hauv pais xab nis los yog nqa daim ntawv thov es koj ua tiav lug thiab nqa tag nrho cov ntawv pov thawj koj yuav tsum tau nqa mus rau tus neeg Tswj ntawm Ib Cheeb Tsam los yog tus Area Administrator uas nyob ntawm qhov chaw hauv qab no. **Daim ntawv thov es muab Fev los yog Faxed, los yog xa hauv email tuaj ces peb yuav tsis muab los tham txog txoj kev yuav pab nyiaj txiag rau.** Tus neeg Tswj ntawm Ib Cheeb Tsam los yog tus Area Administrator mam li xa ib tsab ntawv tuaj qhia rau koj txog tias koj daim ntawv sau tuaj thov nyiaj pab rau kev kawm ntawv thaum ntxov – Pathway I ne txog muab saib theem twg lawm. Yog koj muaj lus nug dab tsi, hu rau tus neeg Tswj ntawm Ib Cheeb Tsam los yog tus Area Administrator.

Kev pab nyiaj txiag yog pab los ntawm Lub Tuam Tsev Saib Xyuas Kev Kawm Ntawv Hauv Lub Xeev Minnesota uas yog siv cov nyiaj hauv lub xeev los pab txhawb tej dej num thiab tswj cov

*nyiaj es pab rau kev kawm ntawv thaum ntov, raws li txoj cai ntawm Minnesota Statutes,
section 124D.165.*

Ntaub Ntawv Qhia Tiv Tauj Tus Neeg Tswj Ntawm Ib Cheeb Tsam



Think Small

ATTN: Early Learning Scholarships
10 Yorkton Court
Saint Paul, MN 55117

Phone: 651-641-6604

Thinksmall.org